



Հասուն, պատասխանատու, և հույսերով ու երապանքներով...



Մեծ հավերժություն է հասնում այս օրերին՝ ի դեմս Գեղարվեստական կրթության ֆակուլտետի տաղանդաշատ մասնագետների: Սուրեն Սաֆարյան Արա Յակոբյան կրտսերները շարունակում են իրենց դիմաստիաների ավանդույթները»,- փաստեց ռեկտորը:

Անդրադառնալով Կուլտուրայի ֆակուլտետին՝ ռեկտորը նշեց՝ Կարեն Գևորգյան, Արա Գևորգյան՝ մարդիկ, որոնք այսօր էլ իրենց ստեղծագործական դրսևորումներով պայմանավորում են կոնկրետ չափանիշ, իսկ լրագրության ոլորտում, անշուշտ, Լևոն Գալստյան, ում սցենարները անմահացնում են մեր կենսակերպի, մեր կյանքի ձեռքբերումների տարբեր հարցադրումները:

Համալսարանի մշակութային այս ֆակուլտետները ուսանողներին հնարավորություն են տվել ունենալ երկխոսություն և ձևավորել սեփական ձեռագրաբանությունը:

Ռեկտորը հորդորեց շրջանավարտներին՝ յուրաքանչյուր վայրկյան ապրեք

այնպես, որպեսզի զգաք ոչ միայն արվեստի արտացոլման գեղագիտական հնարավորությունը, այլև իրականացնել ձեր ներքին հոգեկան ռեսուրսով պայմանավորված մոտեցումները, որտեղ մեկտեղված են կրթությունը, գիտությունը, մարդկային հարաբերությունների բարդ ամբողջականությունը, ժամանակի շունչը և ձեր ծնողների պատգամները, որ տածում են ձեր նվիրական երազների հանդեպ: Սրբուհի Գևորգյանը ուսանողներին մաղթեց՝ թող տիեզերական անսահմանության ներքո ձեզ ուղեկցեն բարին, գեղեցիկը և վեճը:

Շրջանավարտներին շնորհավորեցին դեկաններ Արա Յակոբյանը և Գևորգ Թադևոսյանը, որից հետո կատարվեց դիպլոմների հանձնման հանդիսավոր արարողությունը:

«Տարիների ընթացքում մեր ուսանողները կրթվել են մի օջախում, որտեղ պահպանվել և պահպանվելու են այն ավանդույթները, որոնք ձեռք են բերվել տարիների ընթացքում:

Հավելենք, որ այս ուսումնական տարում Գեղարվեստական կրթության ֆակուլտետն ավարտեց 159 շրջանավարտ, որից 49-ը՝ կարմիր դիպլոմով:

Կուլտուրայի ֆակուլտետի դեկան Գևորգ Թադևոսյանը դեմքով ճանաչում է բոլոր շրջանավարտներին, հիշում է նրանց առաջին մուտքը ֆակուլտետ: Այսօր արդեն 196 շրջանավարտի ճանապարհում են դեպի նոր կյանք, նրանցից 27-ը ուսումնառությունն ավարտել են կարմիր դիպլոմով: Դեկանը լիահույս է՝ արվեստի ոլորտի բոլոր այս շրջանավարտները չեն բավարարվի ձեռք բերածով, կշարունակեն կրթվել, իսկ ֆակուլտետում նրանց միշտ սիրով կսպասեն:

Համալսարանի տնտեսագիտության և կառավարման ամբիոնի վարիչ Ռիտա Գևորգյանն էլ շնորհավորեց շրջանավարտներին՝ մաղթելով նրանց շարունակական հաջողություններ իրենց հետագա գործունեության մեջ:

Տնտեսագիտության և կառավարման ամբիոնի 7 շրջանավարտներից 3-ը գերազանցության ավարտական վկայականներ ստացան:



Կայացավ Գիտական խորհրդի նիստը

Մասնավորապես մեթոդիկայի ամբիոն, Սուրեն Դավթի Դանիելյանին՝ Վ. Պարտիզոնու անվան հայ նոր և նորագույն գրականության և նրա դասավանդման մեթոդիկայի ամբիոն, Վազգեն Համբարձումյանին՝ Ա. Ղարիբյանի անվան հայոց լեզվի և նրա դասավանդման մեթոդիկայի ամբիոն, հանգամանորեն անդրադարձավ նրանց գիտամանկավարժական հարուստ գործունեությանը:

Ամբիոնների վարիչներին հավակնող թեկնածուները ներկայացրին իրենց պաշտոնավարման հետագա ընթացքի հեռանկարային ծրագրերն ու դասավանդման նորարարական մոտեցումները:

Փակ գաղտնի քվեարկությամբ երեք ամբիոնների վարիչներին հավակնող թեկնածուներն էլ առաջիկայում կշարունակեն պաշտոնավարել որպես ամբիոնների վարիչներ:

Մանկավարժական համալսարանի 2024-2025 ուստարվա ամփոփիչ ատեստավորմանը մասնակցել է 1653 շրջանավարտ:

Ուսումնական գործընթացների հարցերով պրոռեկտոր Նաիրա Սաֆարյանը ներկայացրեց 2024-2025 թթ. Շրջանավարտների ամփոփիչ ատեստավորման հարցը, ներկայացրեց 47 մասնագիտական կրթական ծրագրերով հունիսի 15-ից

հուլիսի 15-ն ընկած ժամանակահատվածում բուհում անցկացված առկա, հեռակա ուսուցման համակարգերի բակալավրիատի և առկա համակարգի մագիստրատուրայի շրջանավարտների ամփոփիչ ատեստավորման քննությունների ընթացքը, անդրադարձավ առաջնության հարցերին, հանգամանորեն ներկայացրեց ավարտական աշխատանքների և մագիստրոսական թեզերի պաշտպանության գործընթացի բացթողումներն ու ռիսկերը, հանդես եկավ առաջարկություններով:

Համալսարանի գիտական քարտուղար, պրոռեկտոր Մարիամ Իսախանյանը ներկայացրեց Գիտական խորհրդի

մշտական հանձնաժողովների տարեկան հաշվետվությունները, որի շուրջ տեղեկատվությամբ հանդես եկան մախագահներ Ալեխտա Դուլուխանյանը, Գևորգ Թադևոսյանը, Սեփուհի Երիցյանը:

Գիտական խորհրդի նիստում հաստատեցին ատեստավորման թեմաներ և երաշխավորեցին գիտամեթոդական ձեռնարկներ:

Նաիրա Սաֆարյանը ներկայացրեց, իսկ Գիտական խորհուրդը հաստատեց ԶՊՄՀ ավագ դպրոց-վարժարանի կանոնակարգը, ինչպես նաև վարժարանում վճարովի ծառայությունների իրականացման նոր հնարավորությունները:



Գործունեության սուբյեկտը մարդն է, անհատականությունը

Կրթության հոգեբանության և սոցիոլոգիայի, Հատուկ կրթության ֆակուլտետներ



Շրջանավարտներին շնորհավորեց ՀՊՄՀ ռեկտոր Սրբուհի Գևորգյանը: Նա ընդգծեց, որ Կրթության հոգեբանության և սոցիոլոգիայի, Հատուկ կրթության ֆակուլտետներն իրենց ուրույն գունապնակն ունեն համալսարանի ֆակուլտետների շարքում: Ռեկտորը փաստեց. «Կրթության հոգեբանության և սո-

ները երեկվա հետ համեմատության մեջ կարող են կարևորել իրենց այսօրվա մասնագիտական կարողությունները, մասնագիտություններ, որտեղ գործունեության սուբյեկտը մարդն է, անհատականությունը, ֆակուլտետներ, որոնք մարդկային որակների օժտվածությամբ են պայմանավորում կարևոր



ունեն, և ոչ մի արհեստական բանականություն չի կարող փոխարինել իրենց: «Այսօր ստանալու եք այն այցեթուղթը, որով տեղափոխվելու եք էլ ավելի լայն հարթակ, ուր կարողանալու եք իրացնել ձեզ», - ամփոփեց դեկանը: Ռեկտորը և դեկանները շրջանավարտներին հանձնեցին ավարտական

վկայականները և մաղթեցին բարձր պահել հարազատ համալսարանի պատիվը: Հիշեցնենք, որ Կրթության հոգեբանության և սոցիոլոգիայի ֆակուլտետն այս տարի ավարտեց 306, իսկ Հատուկ և ներառական կրթության ֆակուլտետը՝ 131 ուսանող, նրանցից 127-ը՝ կարմիր դիպլոմով:



ցիոլոգիայի և Հատուկ կրթության ֆակուլտետները պատասխանատու են ոչ միայն համալսարանական գործընթացների, այլև Հայաստանի Հանրապետությունում հոգեբանամակավորական ոլորտի կադրերի որակական պատրաստման, կադրերի որակական կարողությունների իրացման ու մարդուն մեջ մարդու հոգեկանի փոխներգործման այնպիսի մեխանիզմներ ձևավորելու համար, որը ոչ միայն մասնագիտություն է, այլ նաև հստակ առաքելություն»:

Ռեկտորն ընդգծեց, որ վերոհիշյալ մասնագիտությունները մի փոքր տարբերվում են, և նրանց աշխատանքը ուսուցիչներ պատրաստելու առաքելությամբ չի պայմանավորված, սակայն կրթության ոլորտի յուրաքանչյուր սուբյեկտ՝ նախադպրոցականից մինչև բարձրագույն մանկավարժական ոլորտ, բոլորն անմիջականորեն ունեն հոգեբանական աջակցության որակական փոխներգործության անհրաժեշտությունը:

Դիմելով շրջանավարտներին՝ Սրբուհի Գևորգյանն ընդգծեց՝ շրջանավարտ-

ծեռքերումները:

«Դուք ունեք այն հզոր առավելությունը, որ սուբյեկտիվ օրիգինալ մոտեցումներով միշտ էլ գերազանցելու եք արհեստական բանականությանը, որը երբևէ չի կարող փոխարինել ձեզ», - ասաց ռեկտորը՝ ընդգծելով, որ մասնագիտությունը պահանջում է մեծ հումանիզմ ու բարություն:

Շրջանավարտներին շնորհավորեցին ֆակուլտետների դեկանները:

Հատուկ կրթության ֆակուլտետի դեկան, պրոֆեսոր Գոհար Հովյանը շնորհավորեց բոլորին և կյանքի այս կարևորագույն փուլում մաղթեց միասնականություն: Մաղթեց բոլորին արժանապատիվ ապագա և շրջանավարտներին հորդորեց, որ իրենց ձեռքբերումները կիրառեն հանուն մոր հաղթանակների և ի բարօրություն իրենց ջքնաղ հայրենիքի:

Կրթության հոգեբանության և սոցիոլոգիայի ֆակուլտետի դեկան, պրոֆեսոր Ռուզաննա Պետրոսյանը շնորհավորելով շրջանավարտներին՝ ընդգծեց, որ ստանձնում են էլ ավելի կարևոր պատասխանատվություն, որ մեծ անելիք




«Ինչ հաջորդող սերունդներին, թռռներին, ծռռներին կտակում եմ տիրապետել հայոց լեզվին: Ամեն մեկը պետք է իր պարտքը համարի ուսումնասիրել հայոց լեզուն, գրագետ լինի հայերենից, անկախ այն բանից, թե քանի տոկոս է նրա մեջ հայկական արյունը: Այդ տոկոսը ոչինչ չի նշանակում: Մենք փոխանցում ենք սերունդներին ոչ թե արյուն, այլ գաղափարներ և գաղափարների մեջ ինչ համար ամենաթանկը հայոց լեզուն է: Այդ կապակցությամբ յուրաքանչյուր սերունդ պարտավոր է սովորեցնել հաջորդին հայոց լեզու: Գիտցեք, որ իմ կյանքի ամենամեծ երջանկությունը եղել է ու կմնա, քանի ապրում եմ, հայոց լեզվին տիրապետելը: Ցանկանում եմ երջանկություն բոլորիդ»:

ՎԻԿՏՈՐ
ԸՄՄԲԱՐՁՈՒՄՅԱՆ



Մաղթեցին մասնագիտական նոր ձեռքբերումներ

Մաթեմատիկայի, ֆիզիկայի և ինֆորմատիկայի, Կենսաբանության, քիմիայի և աշխարհագրության ֆակուլտետներ



Հունիսի 2-ին ավարտական վկայականներ ստացան համալսարանի Մաթեմատիկայի, ֆիզիկայի և ինֆորմատիկայի, նաև Կենսաքիմիայի և աշխարհագրության ֆակուլտետների շրջանավարտները:

անբիոնների վարիչներին: Ռեկտորը հույս հայտնեց, որ այս ֆակուլտետների շրջանավարտները կհամալրեն համալսարանի մասնագիտական անբիոնները և ավագ դպրոցների ուսուցչական համակարգը: Համալսարանի ղեկավարը բոլորին մաղթեց նոր վերելքների հաղթահարում:

նոր նվաճումներ, մասնագիտական-բարձր ձեռքբերումներ, բոլոր ձեռնարկներում՝ հաջողություն, բարեկեցություն և անձնական երջանկություն:

այս մասնագիտությունների գծով ուսուցիչների զգալի պակաս կա: Դեկանը նրանց առաջադրությունը համարեց մատաղ սերնդի ճիշտ դաստիարակությունը՝ միտված մեր ինքնության պաշտպանությանը և մաթեմատիկայի, ֆիզիկայի, ինֆորմատիկայի, ինժեներական գիտությունների հանդեպ սեր առաջացնելուն, ինչը այնքան կարևոր է մեր երկրի անվտանգության համար:

Ռեկտոր Սրբուհի Գևորգյանը շնորհավորեց երկու ֆակուլտետների շրջանավարտներին: Նա ընդգծեց, որ ուսուցչի մասնագիտությունը 21-րդ դարում ամենապատվաբերն է, ամենաբարդ շրջափուլը հաղթահարող մասնագիտություն, որը հայտնվել է մարտահրավերների թիրախում: «Այսօր իրապես պիտի փաստենք, որ բնագիտական առարկաների ուղորտին ոչ միայն Հայաստանում, այլև ամբողջ աշխարհում այսօր նախապատվություն կարծես թե քիչ են տալիս:

Նոր փոխներգործող ճանապարհին դեպի համալսարան բերող արահետները թող մշտապես պայմանավորեն ձեզ համար անձնային և մասնագիտական աճի զարգացում, որը 21-րդ դարի ուսուցչի կարևորագույն հմտությունների հաղորդակցման դրսևորումն է»:

Մաթեմատիկայի, ֆիզիկայի և ինֆորմատիկայի ֆակուլտետի ղեկան Քազիկ Դեմիրխանյանը հույս հայտնեց, որ շրջանավարտների մեծ մասը մուտք կգործի հանրակրթական հաստատություններ, որտեղ

Կենսաքիմիայի և աշխարհագրության ֆակուլտետի ղեկան Սիրինե Շողերյանը շնորհավորեց շրջանավարտներին և նշեց. «Ժամանակը շատ արագ անցավ՝ իրադարձություններով ու նվաճումներով, և ձեր համառության համառության շնորհիվ կարողացաք արժանապատվորեն հաղթահարել բոլոր դժվարություններն ու փորձությունները և հաստատել բարձրագույն կրթության վկայական ստանալու ձեր իրավունքը»: Դեկանը շրջանավարտներին հորդորեց՝ միշտ երազանքներ ու նպատակներ ունենան, դրանք իրականություն դարձնեն, համարձակ լինեն և հավատան իրենց ուժերին: Նաև մաղթեց՝



Այսօր աշխարհը կարծես միայն թվերն են կառավարում և դուք եք, որ պայմանավորելու եք ներդաշնակ երկխոսությունը թվերի և անհատականության միջև»: Ռեկտորը խոսեց ԲՏԾ Ուրտի մասնագիտությունների հանդեպ կառավարության ուշադրության, ժամանակակից աշխարհում միջգիտակարգային պահանջների ու մոտեցումների մասին՝ այդ փոփոխությունների համատեքստում շնորհակալություն հայտնելով վերոհիշյալ ֆակուլտետների ղեկավարներին,

Դա մի ամբողջ ճամփորդություն էր...

Մեզ փոքրուց սովորեցնում են, որ ժամանակը թռչում է, բայց այդ խոսքերի իմաստը երկար ժամանակ մնում է սեփական ընկալումներից դուրս: Դպրոցական տարիները թվում են անվերջ, օրերն՝ անհամաչափ երկար: Սակայն գալիս է մի պահ, երբ հետ են մայում ու հանկարծ գիտակցում՝ տարիներն իսկապես անցել են: Անհասկանալի մանկական արտահայտությունը դառնում է ստեղծված իրականություն:



Այժմ հասկանում են, որ կյանքի արագընթաց ռիթմի ներքո հաճախ չենք էլ նկատում, թե ինչպես է ժամանակը սահում մեր կողքով: Այն գնում է աննկատ, բայց թողնում ժառանգություն՝ հիշողություններ, փորձ ու կյանքի դասեր, որոնք մնում են որպես ուղեցույց:

մաթիվ հարցեր, հիասթափություններ ու ոգևորություններ: Այդ լսարանները լցված էին մեր հույզերով, վստահ ու անհամարձակ քայլերով, ներքին մենախոսություններով ու երբեմն՝ լռությամբ: Այստեղ մենք միայն կրթություն չէինք ստանում՝ մենք մեծանում էինք:

Այսօր կանգնելով ՀՊՄՀ-ի դիմաց՝ ակամա հետ են գնում 2019 թվական, երբ առաջին անգամ ոտք դրեցի ոսկեգույն դռներից այն կողմ և դարձա արվարձանակամ: Շատ արագ հասկացա՝ համալսարանը միայն դասախոսությունների ու լսարանների մասին չէ: Կրթական այս պատերի ներսում գոյություն ունի մի ամբողջ աշխարհ, որտեղ ապրում են բազմա-

Անցնելով համալսարանի միջանցքներով՝ հաճախ «բախվում են» հուշերին: Մի

անկյուն՝ որտեղ առաջին անգամ հանդիպեցիր ընկերներին: Մեկ այլ տեղ՝ որտեղ սրտիդ թրթռումը սպասում էիր քո հերթին բանավոր քննության ժամանակ: Այդ հիշողությունները դառնում են ժպիտ ու փարոս՝ հիշեցնելու, թե որտեղից ես սկսել:

Ճկուն ու խիզախ:

Այստեղ ես սովորեցի արտահայտվել՝ առանց վախենալու, սխալվել՝ առանց կոտրվելու, նորից փորձել՝ առանց ամաչելու: Համալսարանական կյանքը վերելքների ու վայրէջքների շարք էր միայն: Դա մի ամբողջ ճամփորդություն էր՝ ինքը քեզ ճանաչելու, փոխվելու, հասունանալու ճանապարհ:

Քննությունները, որոնք ժամանակին թվում էին մեծ փորձություններ, հետագարձ հայացքով դառնում են ինքնաճանաչման պահեր: Իսկ երբ քննական թերթիկի մեջ հանդիպում էիր այն հարցին, որին մի փոքր վատ էիր պատրաստվել, ի վերջո սովորում էիր պատասխանել ոչ միայն հարցին, այլ կյանքին:

Եվ հիմա, երբ ավարտին է մոտենում այս վեցամյա ուղին, իմ ներսում խառնվում են երախտագիտությունն ու կարոտը: ՀՊՄՀ-ն ինձ համար դարձավ դպրոց՝ կյանքի, հարաբերությունների, երազանքների ու պայքարի մասին: Դարձավ տուն, որտեղ ես ոչ միայն սովորեցի, այլ նաև իմաստավորեցի՝ ով եմ ուզում լինել:

Դասախոսի խստության ներքո, տարիների հեռվից տեսնում ես մի անկեղծ սեր՝ գիտելիքի, մեր հանդեպ ունեցած ակնկալիքների, երբեմն չարտահայտված հիացմունքի: Մենք հաճախ դա զգում էինք միայն վերջին դասին՝ երբ հայացքներն ավելի մեղմ էին, իսկ ժպիտը՝ մի քիչ կարոտով:

Ու այժմ հստակ կարող եմ ասել. «Մեծերը ճիշտ էին՝ ժամանակակա արագորեն թռչում է»:

ՀՊՄՀ-ն ինձ տվեց այն ազատությունը, որտեղ կարող էի մտածել, կասկածել, երազել, և ինչու ոչ՝ սխալվել: Այդ սխալներն էլ էին կրթական, քանի որ դրանք սովորեցնում էին ոչ թե անթերի լինել, այլ՝

Համալսարանն ավարտելիս մեզ մնում է գնահատել պահերը, ստեղծել հետագա ջերմ հիշողություններ ու շնորհակալ լինել տարիներ առաջվա մեր «ես»-ին՝ ամենափմաստալից ճանապարհն ընտրելու և պատվով անցնելու համար...

Սարիան ՍԱՐԳՍՅԱՆ
2024-2025 ուստարվա Շրջակա միջավայրի մագիստրոս



Ֆակուլտետներ, որոնք կապված են համալսարանի ողջ փարեգրության հետ

Սկզբնական կրթության, Պատմության և հասարակագիտության ֆակուլտետներ

Հունիսի 3-ին Մանկավարժական համալսարանում ավարտական որակավորման վկայականներ հանձնեցին Սկզբնական կրթության և Պատմության և հասարակագիտության ֆակուլտետների շրջանավարտներին:

Պատմության և հասարակագիտության ֆակուլտետի 86 շրջանավարտից 28-ն ավարտել է կարմիր դիպլոմով, Սկզբնական կրթության ֆակուլտետի 237 շրջանավարտից 34-ը՝ նույնպես կարմիր դիպլոմով:

Ռեկտորը շնորհավորեց շրջանավարտներին և ընդգծեց, որ 1922 թվականին հիմնադրված մեր համալսարանը կապվում է այս ֆակուլտետների տարեգրության հետ, քանզի համալսարանի 1922 թվականին հրամանագրված առաջին՝ Մանկավարժության ֆակուլտետը մեկնարկել է նախադպրոցական, դպրոցական և արտադպրոցական բաժիններով:

Պատմության ֆակուլտետը ևս համալսարանի ողջ պատմության վկան է:



Միանալով բոլոր հնչած և հնչելիք շնորհավորանքներին՝ Պատմության և հասարակագիտության ֆակուլտետի դեկան Էդգար Հովհաննիսյանն ասաց. «Այսօր նվիրական օր է, որովհետև յուրաքանչյուր կերտում եք ձեր կյանքի պատմությունը: այսօր ձեր կյանքի պատմության ամենաշրջադարձային կետն է՝ դուք ստանում եք մասնագիտական որակավորում, որն ուղեկցելու է ձեզ ողջ կյանքի ընթացքում: Տարիների ընթացքում ձեռք բերած գիտելիքները դուք ծառայեցնելու եք ձեր անձնական կարիերային, ընտանեկան բարեկեցությանը, և որ ամենակարևորն է՝ մեր պետությանը և երկրին, որովհետև հայրենիքի սահմանները պաշտպանվում են ոչ միայն զենքով, այլև գիտությամբ և կրթությամբ:

Անցնող տարիները՝ համավարակով ու պատերազմով, հեշտ չեն եղել ուսանողների համար, այսօր Պատմության և հասարակագիտության ֆակուլտետն ավարտում են նաև պատերազմի բովով անցած տղաներ, ավելին՝ ավարտում են



Սրբուհի Գևորգյանը փաստեց, որ երկու ֆակուլտետների պրոֆեսորադասախոսական կազմն էլ իրենց աշխատանքի շնորհիվ շրջանավարտների մեջ ձևավորել են 21-րդ դարի ուսուցչին ներկայացվող փափուկ հմտություններ ու մասնա-

գիտական ամուր գիտելիքներ: «Սկզբնական կրթության ֆակուլտետի առաքելությունը, որ դրված է մասնագիտական գործունեության մեջ, անկրկնելի է՝ առաջին շփումը և երկխոսությունը մանկիկի հետ, հմուտ մասնագիտական ուղղորդմամբ ձևավորել երեխայի անհատականությունը նախադպրոցական տարիքից», - ասաց ռեկտորը:

Նա նշեց, որ իր գործընկերների մեջ այսօր շատ են այդ ֆակուլտետի շրջանավարտները, և որ այն մարդկային կապիտալը, որը տալիս է այս համալսարանը, անկրկնելի է: Այս շրջանավարտները վաղը դառնալու են Մանկավարժական համալսարանի պատմության հպարտության, պատմության նոր որակի, առաքելության տարեգրության մասը՝ որպես Մեծ լուսավորիչ խաչատուր Աբովյանի պատգամները իրականացնող սերունդ:

Ուսանողներին ավարտական վկայականներ են հանձնում ռեկտոր Սրբուհի Գևորգյանը, դեկաններ Հեղինե Խաչատրյանը և Էդգար Հովհաննիսյանը:

Դեկան Հեղինե Խաչատրյանը ֆակուլտետի անունից ջերմորեն շնորհավորում է շրջանավարտներին և մաղթում է նորանոր ձեռքբերումներ մասնագիտական գործունեության մեջ ու անձնական կյանքում. «Ստանալով ավարտական վկայականը՝ դուք ստանձնելու եք երեխայի հոգին ոչ միայն գիտելիքով, այլև մտերմությամբ ու սիրով ողողելու այդ մեծ առաքելությունը: Պատկերացրեք, որ հենց ձեր դասարանում է, որ առաջին անգամ երեխան վստահելու է ձեզ, հասկա-

նալու է, փորձելու է, սխալվելու է, ծախողվելու է, նորից է փորձելու, և դուք եք, որ պետք է լուսավորեք նրա հոգին ու միտքը, դուք եք այն ձեռքը, որ պիտի բարձրացնի նրան, և ձեր հայացքն է, որ նրան պիտի ասի՝ դու կարող ես...»

Տարիներ անց միգուցե ձեր սաները մոռանան մի շարք բանաձևեր ու կանոններ, բայց հաստատ կհիշեն այն ուժը, որ ներշնչել էք նրանց, այն վստահությունը, որ դուք եք հաղորդել: Ուստի մեր հասարակությունը թող գնահատի ու արժևորի ձեր այդ մեծ առաքելությունը՝ մարդկային մեծ վստահությամբ ու զանազանությամբ:

ուսանողներ, որոնք ավարտական վկայականներ պետք է ստանային Ստեփանակերտում՝ Արցախի պետական համալսարանում: Ու եթե ուզում եք այսուհետև արցախցիները Ստեփանակերտում ստանան իրենց ավարտական վկայականները, պետք է նվիրական առաքելությունը բարձր մակարդակով իրականացնեք, մանկավարժի որակավորումը բարձր պահեք: Երբեք չմոռանաք համալսարանում անցկացրած տարիները, որտեղ ամեն ինչ արել են ձեզ որակյալ կրթություն տալու համար, չմոռանաք, որ դուք վաղվա մեր գործը շարունակողներն եք»:



«...Որ քո էպոսի մի փողը դառնամ»

Բանասիրական և Օտար լեզուների ֆակուլտետներ



«1930 թվականին ձևավորված Բանասիրական ֆակուլտետը պայմանավորում է յուրաքանչյուր ուսանողի ու շրջանավարտի լեզվի իմացության, լեզվի անարատ պահպանության, լեզվի միջոցով մեր ինքնությունը պահպանելու, մեր պատմության, մշակույթի ապագային միտված լեզվամշակութային և գիտական նվաճումները ուղղորդելու առաքելությունը»,-ասաց ԶՊՄԶ ռեկտոր Սրբուհի Գևորգյանը: Նա ջերմորեն շնորհավորեց ֆակուլտետի դեկան Աշոտ Գալստյանին, ամբիոնների վարիչներին և ողջ պրոֆեսորադասախոսական կազմին՝ ծանր, բայց պատվաբեր առաքելության ներքո մշտապես ուսանողների կողքին լինելու համար:

րումը որպես Մանկավարժական համալսարանի ձեռագիր, այդ որակը նոր մակարդի բարձրացնելու: Հայաստանի Հանրապետության դպրոցներում, լեզվի զարգացման հայր լեզվի և օտար լեզուների պահպանման, գլոբալ աշխարհում Հայաստա-

հաջողություններից հետո, ուսանողների բառերով ստեղծված միջազգային հիմնի պատմությունը, որը վերնագրել են «Երջանիկ լինենք, քանի դեռ երիտասարդ ենք»՝ դրանով արտահայտելով իրենց կարծիքն ու ընթացակարգը: Սկզբում դասախոսներն

Շրջանավարտներին, նրանց ծնողներին ու հարազատներին օրվա խորհրդի առթիվ շնորհավորեց Բանասիրական ֆակուլտետի դեկան Աշոտ Գալստյանը՝ նշելով, որ գիտության լույսը բոլոր ժամանակներում սիրո և ակնածանքի առարկա է եղել, սիրո և ակնածանքի առարկա է եղել նաև ուսուցիչը՝ նրան վստահել են և հավատացել: Դեկանն ընդգծեց, որ ֆակուլտետի շրջանավարտները հաջողությամբ համալրում են հանրապետության ուսուցչական համակազմի շարքերը, նաև հաջողությամբ հաղթահարում կամավոր առեստավորման պահանջները:



«Ես լիահույս եմ, որ դուք ևս հրաշալի ուսուցիչներ եք դառնալու և ձեր հոգու լույսը փոխանցելու եք մատաղ սերնդին»,-ամփոփեց իր խոսքը Աշոտ Գալստյանը:

Նրա կարծիքով ուսանողներն առանց վարանելու կասեն.

Իմ սուրբ Հայաստան, ինչու եմ ծնվել, ծնվել եմ, որ քո մի շողը դառնամ, որ քո էպոսի մի տողը դառնամ, որ մի ափ բերրի քո հողը դառնամ, քո չունեցածի համար եմ ծնվել:

1-6 -րդ էջերի նյութերը՝ Սիլվա ԱՍՐՅԱՆԻ



Ֆետր Տիգրան Միքայելյանին և ողջ պրոֆեսորադասախոսական կազմին՝ դասավանդման լավագույն մեթոդներով ուսանողներին լեզուն ներկայացնելու համար՝ որպես մասնագիտություն, ժամանակակից գործիքակազմ, որպես մշակութային հարդորակցման կարևորագույն միջոց և որպես կարևորագույնը 21-րդ դարի ուսուցչին ներկայացվող փափուկ հմտություններին:

նի՝ իր ուրույն տեղը տեսնելու և ազգային նկարագիրը պահպանելու կարողությունը: Եվս մեկ անգամ շնորհավորելով շրջանավարտներին՝ ռեկտորը բոլորին մաղթեց բարի ճանապարհ՝ որակական նոր զարգացումներով գիտելիքի, կարողության, հմտության, անձնական և անհատական ձեռքբերումները ընդհանուրին ծառայեցնելու առաքելությամբ, անձնային և մասնագիտական աճի համատեքստում՝ փայլուն ձեռքբերումներ:

այն չեն ընդունել, բայց հետո ավարտվել է ուսանողների և դասախոսների համերաշխությամբ, և դասախոսները գոչել են՝ կեցցեն ուսանողները: Եվ եթե ուսանողներն էլ գոչել են՝ կեցցեն պրոֆեսորները, դա նշանակում է՝ դասախոսները գոհ են ուսանողներից և հակառակը:



«Կեցցեն ուսանողները,-բարձրաձայնեց պրոֆեսոր Միքայելյանը՝ ընդգծելով,- սա այն կամուրջն է, որը կապում է ձեռքբերումների այս ափը, կամուրջը չի քանդվելու և համալսարանը՝ ձեր հոգու տունը, միշտ սպասելու է ձեզ»:



Հայրենասիրության լավագույն դպրոցը սկսվում է սահմանից




Մանկավարժական համալսարանի Պատմության և հասարակագիտության ֆակուլտետի շրջանավարտ հաջիկ համալսարանի «Հայրենասիրության» է դասավանդում ՀՀ ՊՄՄ Հեռուստային վարժարանում (Ավագ դպրոցում): Հունիսի 10-ից հունիսի 4-ը նա մասնակցել է վարժական հավաքների, եղել սահմանապահ դիրքերում և կամային ու անձնական որակների դրսևորման համար պարզապարզել է

ՀՀ Պաշտպանության նախարարության պատվոգրով:
Հունիսի 7-ին համալսարանի ռեկտոր Սրբուհի Գևորգյանն անձամբ նրան հանձնեց ավարտական վկայականը: Այստեղ ևս հաջիկ համալսարանը ցուցաբերել է լավ արդյունքներ և բուն ավարտել է գերազանցության վկայականով: Վկայականների հանձնման արարողությանը նա գտնվում էր դիրքերում,

ինչի համար հպարտ է:
Գաղտնիք չէ, որ Հայաստանի հանրակրթական դպրոցներում տղամարդու ուսուցիչների զգալի պակաս կա, և ՀՀ ՊՄՄ ռեկտորն ու բուն ղեկավար կազմն ամեն ինչ անում են շրջանավարտ տղաներին դպրոցներին կապելու ուղղությամբ: Ռեկտոր Սրբուհի Գևորգյանը որոշեց հաջիկ համալսարանին աջակցել հետբուհական կրթության հարցում. դպրոցից չկտրված նա իր ուժերը կփորձի նաև գիտական ոլորտում, իսկ ֆինանսական ծախսերը կհոգա համալսարանը:
Հանդիպմանը ներկա Ուսումնական գործընթացների հարցերով պրոռեկտոր, Հեռուստային վարժարանի տնօրենի խորհրդակցական Նախագահ Սաֆարյանը բարձր է գնահատում հաջիկ համալսարանին՝ որպես օրինակելի ուսուցիչ, որին հարգում ու սիրում են ուսուցչական կոլեկտիվը ու աշակերտական համայնքը:
Հաջիկ համալսարանը «Պատմություն» առարկայով հետաքրքրվել է դեռևս դպրոցական տարիներից, մասնագիտության հանդեպ տածած սիրո համար պարտական է իր պատմության ուսուցչին: Եվ

ահա 2017 թվականին ընդունվել է ՀՀ ՊՄՄ Պատմության և հասարակագիտության ֆակուլտետ, որի ընթացքում երկու տարի ծառայել է Հայաստանի զինված ուժերում:
Վարժանքների ընթացքում հաջիկը մասնակցել է տեսական և գործնական պարամունքների, ապա հատուկ ստորաբաժանումում անցել ծառայություն 14 օր եղել մարտական հերթապահության:
Հաջիկ համալսարանը որպես պատմաբան ու հայրենասեր անհատ՝ ծառայությանը մեծ պատասխանատվությամբ է վերաբերվել, սահմանին գտնվելու ընթացքում էլ ավելի է արժևորել հայրենիքի հանդեպ սերը:
Մանկավարժական համալսարանի ուսանողը նաև գերազանցությամբ պաշտպանեց մագիստրոսական թեզը: Հիմա իր օրինակով նա փորձում է հայրենիքի հանդեպ սերը նորովի փոխանցել աշակերտներին ու գործընկերներին, միաժամանակ նվիրվելով ուսուցչի առաքելությանը:
Միլվա ԱՍՐՅԱՆ



Երբ առաջին անգամ մտա Մանկավարժական համալսարանի դռներից ներս, դեռևս սովորում էի Հեռուստային վարժարանում, եկել էի ուսանողական կյանքի մեջ մի փոքր ինտեգրվելու և նաև կողքի աչքով էլ ապագայիս հետ մի փոքր ծանոթանալու: Շատ չանցած, արդեն լրագրության բաժնի առաջին կուրսի ուսանող էի՝ մի մասնագիտության, որը միաժամանակ և՛ պարտավորեցնում է, և՛ պահանջում անընդհատ որոնում ու զգայունություն աշխարհի նկատմամբ: Այդ օրվանից ի վեր համալսարանն ինձ համար դարձավ ոչ միայն կրթություն ստանալու վայր, այլև մեծ, տարբեր երանգներով կյանք՝ իր ուրախություններով, հիաս-

Արդեն մագիստրոս

թափություններով, մարդկանցով ու հնարավորություններով:
Բակալավրիատից մինչև մագիստրոսական ճանապարհը երկար ու հագեցած էր: Ես սովորում էի դասերից դուրս էլ: Այստեղ հասկացա, որ միայն լսարանում նստելով մասնագետ չես դառնում: Դրա համար է, որ ուսումնառության ընթացքում հաճախ ենք գնում տարբեր պրակտիկաների, որովհետև դու այդ ժամանակ տեսնում ես մասնագիտությունը կողքից, լինում ես «դեպքի վայրում», նայում ես արդեն մասնագետ մարդուն, հաճախ սովորում ես նրա սխալի վրա և մտովի լուծում այն: Ունենալով լավագույն դասախոսական անձնակազմ՝ դիրքորոշումն հստակ է՝ ես գերազանց կրթություն եմ ստացել: Կրթությունը, սակայն, միայն փոխանցած տեղեկությունները չեն: Դասախոսներիցս մեկը մի անգամ ասաց. «Լրագրությունը պետք է զալիս ամենուր, անգամ՝ առօրյա կյանքում»: այսօր ես դրանում լիարժեք համոզված եմ:
Դու աստիճանաբար զարգանում ես ես նաև այն ծրագրերի մեջ, որոնցում ներգրավվում ես: Դու ձևավորվում ես թիմային աշխատանքով, ուսանողական խորհրդի ներսում կազմակերպած միջոցառումներով, մշակութային նախագծերով, և այն պատասխանատվությամբ, որն ի վերջո, դառնում է սեփականից:
Ուսանողական խորհրդում ակտիվութ-

յուն ինձ համար ինքնամպատակ գործունեություն չեղավ: Այն դարձավ հարթակ, որտեղ սովորեցի համակարգել, համախմբել, ներկայացնել ու պաշտպանել: Դա այն տեղն էր, որտեղ փորձեցիք համատեղել նպատակը՝ միաձուլել կրթության, հետաքրքրականի և հանելիքի հետ: Արդեն 7 տարի է, ինչ խանջյան փողոցով անցնելիս անպայման ոսկեգույն դռները կանչում են ներս, իսկ ներսում էլ՝ 101 սենյակը, որտեղ այնքան լավ հիշողություններ ունեմ: Բայց, եթե հարցնեք՝ որն էր ամենամեծ ձեռքբերումս, կասեմ՝ մարդիկ ու նրանց տված «դասերը»: Բազում ընկերների եմ ինձ հետ տանում համալսարանից, որոնք ձևավորվել են տարբեր ծրագրերի ժամանակ, երբ կեսգիշերին էլ քննարկում ես, թե հաջորդ օրն ինչպես ավելի լավ անցկացնել միջոցառումը կամ ինչպես լուծել տեխնիկական խնդիրներն՝ առանց բողոքելու, և կամ զոհում ես սեփական քնիդ ժամերը, որպեսզի մի քանի րոպե ավելի լինեք միմյանց հետ, տարբեր թեմաների մասին խոսեք, մի կտոր հաց կիսեք միասին, երգեք, տխրեք և, իհարկե, ուրախանաք միասին: Ահա դրանք են այն կապերը, որոնք դուրս են գալիս լսարանից ու մնում կյանքում՝ ինչպես լուսանկարներ, որոնք երբեք չեն մաշվում:
Նշածս դրական պատմությունները չէին ընդգծվի, եթե իրենց կողքին չլինեք բացասականը: Եղել են նաև հիասթափություններ՝

մասնագիտական, կրթական, ընկերական: Դրանք էլ են ներառվում լավագույնների մեջ, լավագույն «վատերի» մեջ: Բայց չէ՞ որ հենց կյանքի բացասական կողմերի շնորհիվ է, որ տեսնում ու գնահատում ես դրանք, ինքնագիտակցությանը մակարդակը բարձրանում է, և սկսում ես հասունության և զարգացման մի նոր փուլ:
Հիմա, երբ մագիստրոսական ճանապարհի վերջին էջն եմ թերթում, վստահ եմ, որ համալսարանն ինձ տվել է ավելին, քան մասնագիտություն: Համալսարանն ինձ սովորեցրեց համբերել ու պայքարել, խոսել ու լռել՝ երբ պետք է, ծրագրել ու չընկճվել ծախողումից, գնահատել մեկ տասնյակ մարդկանց, որոնք հավատացին, լսեցին, օգնեցին ու երբեք չկասկածեցին, որ այս ուղին ինձ էր: Սովորել եմ գնահատել ինձ տրված յուրաքանչյուր բան և անհասանելի ամեն գնով ձեռք բերել: Սովորեցի, որ ինչ էլ լինի, չպետք է մոռանալ, թե ով ես դու, և անհրաժեշտ է հնարավորինս օգտագործել քո բոլոր ձեռքբերումները: Մանկավարժական համալսարանն ինձ համար միշտ կմնա կյանքի դպրոց՝ ոչ միայն այն, ինչ սովորեցրեց, այլև այն, ինչ փոխեց իմ մեջ:
Մեր բոլոր ուսանողներին էլ խորհուրդ կտամ, որ երբեք բաց չթողնեն այն հնարավորությունները, որոնք կարող են ունենալ հենց ուսանող լինելով, քանի որ լինել ուսանող՝ նշանակում է գտնվել կյանքի առանցքի կիզակետում:
Ժենյա ԱՐԳՈՐՅԱՆ
Կուլտուրայի ֆակուլտետի
լրագրություն բաժնի մագիստրոս

«Երկնքի թիմը» նոր հարձակվող ունի

Նա չդարձավ լեգենդ իր ակումբում, բայց հավերժ կվայելի ֆուտբոլային ողջ հասարակության սերը:
2025 թվականի հունիսի 3-ին Իսպանիայի Սամորայի գավառում տեղի ունեցած ճանապարհատրանսպորտային պատահարի հետևանքով մահացավ անգլիական «Լիվերպուլի» և Պորտուգալիայի ազգային հավաքականի 28-ամյա հարձակվող Դիոգու ժոտան:
Ըստ նախնական տվյալների՝ ժոտան վերջերս վիրահատվել էր. թոքերի հետ կապված խնդիրներ ունեւ, ինչի պատճառով խուսափում էր ինքնաթիռով թռիչքներից: Այդ չարաբաստիկ օրը նա շտապում էր նավահանգիստ, որպեսզի մեկնի Անգլիա և միանա թիմին: Ժոտայի հետ ավտովթարի զոհ է դարձել նաև նրա 26-ամյա եղբայրը՝ Անդրե ժոտան:
Դիոգուն «Լիվերպուլ» տեղափոխվեց 2020 թվականին, կրեց 20 համարի մարզաշապիկը և ավարտված մրցաշրջանում թիմի հետ նվաճեց 20-րդ Պրեմիեր լիգայի չեմպիոնի տիտղոսը: Այս երեք 20-ի



խորհուրդն ամբողջացավ «Լիվերպուլ»-ի պաշտոնական հայտարարությամբ այն մասին, որ 20 համարի մարզաշապիկը շրջանառությունից հանում են՝ ի հիշատակ ժոտայի:
Այս համարը հավերժ կպատկանի նրան:
Հունիսին նա հաղթեց Ազգերի լիգան՝ Պորտուգալիայի ընտրանու հետ:
Դեպքից չորս օր առաջ ժոտան պաշտոնապես ամուսնացել էր իր սիրելիի՝ Ռուտե Կարդոզուի հետ:
Համաշխարհային ֆուտբոլային ակումբներն ու անհատ ֆուտբոլիստները, մեկը մյուսի հետևից, ցավակցական մատակներ են տեղադրում իրենց սոցիալական էջերում՝ ուղղված Դիոգուի ընտանիքին և «Լիվերպուլին»:
Ժոտան յուրահատուկ էր:
Նրա դիրքիցները, գուրդը, նվիրումը հավերժ կմնան երկրպագուների հուշերում:
Նվիրում, սեր, պայքար, ոգի. այն ամենն, ինչ նա դնում էր խաղադաշտում:

Իսկ նրա ժպիտն ու գուրդը տոնելու յուրօրինակ ժեստերը ավելի էին գեղեցկացնում ֆուտբոլը:
Վերջին ամիսներին աշխարհը նրան տվեց հնարավոր ամեն ինչ՝ տիտղոսներ, գուրդ, այդպիսով ասես նրան դարձնելով ավելի երջանիկ՝ ցավալի հրաժեշտից առաջ:
Ժոտայի հետ կատարվածն ու հետագա արձագանքը ևս մեկ անգամ ապացուցեցին, որ ֆուտբոլը իր շուրջ է հավաքում բոլորին՝ անկախ սեռից, ակումբային պատկանելությունից ու նախասիրություններից:
Հիմա արդեն՝ այս պահին, ոչ միայն «Լիվերպուլը», ոչ միայն մերսիսայրայան երկրպագուները, այլ ամբողջ աշխարհն է միաբերան երգում. «Diogo, you'll never walk alone» «Երկնքի թիմը» ի դեմս Պեյլի, Մարադոնայի, Կրույֆի, Եմիլիանո Սալայի, նոր հարձակվող ունի՝ Դիոգու ժոտան:
Արգիշտի ՊԵՏՐՈՍՅԱՆ
ՀՀ ՊՄՄ Հեռուստառադիոլրագրության
բաժնի 4-րդ կուրսի ուսանող



«Թանգարանի կրթական հնարավորությունները ֆորմալ կրթության ոլորտում». հնգօրյա դասընթաց Մանկավարժականում



Հունիսի 7-11-ը ՀՀԿԿ-ում անցկացվեց «Թանգարանի կրթական հնարավորությունները ֆորմալ կրթության ոլորտում» խորագրով դասընթացը: Ձեռնարկն անցկացվեց ՀՀԿԿ-ի, «Թանգարանների աշխատողների և բարեկամների ասոցիացիա» հասարակական կազմակերպության և «Կրթության զարգացման և նորարարությունների ազգային կենտրոն» (ԿՀՆԱԿ) հիմնադրամի հետ համատեղ՝ ՀՀ Կրթության, գիտության, մշակույթի և սպորտի նախարարության աջակցությամբ:

5-օրյա դասընթացի նպատակն էր ընդլայնել և զարգացնել թանգարանների դերը ֆորմալ կրթության գործընթացում՝ ամրապնդելով թանգարան-դպրոց համագործակցությունը, ներկայացնելով թանգարանները որպես կրթական ռեսուրս և հարթակ՝ բարձրացնել դպրոցական ուսուցման արդյունավետությունն ու ընկալելիությունը, ստեղծել արդյունավետ հարթակ թանգարանների ներառման համար՝ նոր չափորոշիչների գործնական կիրառման գործընթացում:

Քաջի այդ, ծրագիրը նպատակ ուներ փուլային գործունեության 3 տեսակի՝ հետազոտություն, դասընթաց և մեթոդական ձեռնարկ-ուղեցույցի հրատարակման միջոցով նպաստել դպրոցական ծրագրերին համահունչ թանգարանային կրթական ծրագրերի ստեղծմանը, մասնագիտական ձեռնարկի հրատարակմանը, որոնք կապահովեն թանգարան-դպրոց համագոր-

ծակցության ինստիտուցիոնալացումը: Ծրագրի մասնակիցներին ողջունեց և ձեռնարկը կարևորեց ՀՀԿԿ պրոռեկտոր Մարիամ Իսախյանը: Նա նկատեց՝ վերջին տասնամյակում ՀՀ-ում թանգարանային մանկավարժությունը գիտակարգի զարգացումը խթանեց թանգարանների կողմից իրականացվող կրթական ծրագրերի զարգացմանը: Նա թանգարանի և ոչ ֆորմալ կրթության հաստատությունների (դպրոց) համագործակցության ասպարեզում կարևորեց



ինչպես թանգարանային մանկավարժության դերը, այնպես էլ թանգարան-դպրոց առավել նպատակային, ծրագրային և համակարգված համագործակցությունը: «Թանգարանային մանկավարժությունը չի փոխարինում դպրոցական կրթությանը, այլ հարստացնում է այն, ապահովում կրթության բազմակողմանիությունը», -նշեց Մարիամ Իսախյանը:

Ելույթ ունեցան «Թանգարանների աշխատողների և բարեկամների ասոցիացիա» հասարակական կազմակերպության տնօրեն, Երևանի Ռուսական արվեստի թանգարանի տնօրեն Մարինե Սկրտչյանը, Թանգարանների աշխատողների և բարեկամների ասոցիացիայի պատվավոր նախագահ Հռիփսիմե Պիկիչյանը: Մարինե Սկրտչյանը փաստեց՝ թանգարաններն ու դպրոցներն ամբողջ աշխարհում համագործակցում են. թանգարանը դառնում է գործնական աշխատարան:

Դասընթացի առաջին օրը հանդես եկավ սեմինարավար-փորձագետ, ՀՀԿԿ

Թանգարանի տնօրեն, Թանգարանագիտության, գրադարանագիտության և մատենագիտության ամբիոնի դոցենտ Ալվարո Գրիգորյանը:

Նա անդրադարձավ թանգարանային մանկավարժությանը՝ որպես թանգարանի մշակութային կրթական գործունեության տեսական հիմք, ներկայացրեց թանգարանային լսարանի վերաբերյալ ուսումնասիրությունը, թանգարանում տարբեր տարիքի դպրոցականների հետ աշխատանքի

մանիստական մանկավարժության և թանգարանային հաղորդակցության տեսության, իսկ սեմինարավար-փորձագետ Մարինե Սկրտչյանը՝ թանգարանային և դպրոցական մանկավարժների համագործակցության մասին:

Հունիսի 10-ին լավագույն կրթական ծրագրերը ներկայացրին տարբեր թանգարանների տնօրեններ, իսկ հաջորդ օրը անցկացվեցին մեթոդական քննարկումներ:

Պրոռեկտոր Մարիամ Իսախյանը խոսեց դասընթացի ծրագրի շրջանակում ձևավորված դպրոց-համալսարան համագործակցային նոր ձևաչափի մասին՝ ընդգծելով ուսուցիչների կարևոր առաքելությունն այդ գործընթացում, նաև վստահեցնելով՝ Մանկավարժական համալսարանը մշտապես աջակցել, ուղղորդել և համագործակցել է: Պրոռեկտորը կարևորեց նաև համագործակցությունը համալսարանական նոր լաբորատորիաների հետ, որոնք նպատակային ծրագրեր են իրականացնում:

Պրոռեկտոր Նաիրա Սաֆարյանը ևս ողջունեց նախաձեռնությունը՝ փաստելով, որ ժամանակն է թանգարաններն այլ տեսանկյունից ընկալել և լիարժեք օգտագործել նրանցում առկա ռեսուրսները: Նա կարևորեց թանգարանները որպես կրթական հնարավորություններ դիտարկելը՝ ընդգծելով, որ նախագծային աշխատանքների համատեքստում միջառարկայական կապերի օգտագործմամբ շատ հետաքրքիր կապեր կարելի է ստեղծել նոր սերնդին հզորացնելու համար:

Եռօրյա դասընթացի նպատակն էր թանգարանային կրթության մաս դարձնելու նոր ձևաչափերի ներդրման հնարավորությունների բացահայտումն ու ուսուցումը:

«Թանգարանի կրթական հնարավորությունները ֆորմալ կրթության ոլորտում» դասընթացին մասնակցում է 36 մեթոդ դպրոցի ուսուցիչ և 14 թանգարանային մանկավարժ:

Մարին ԱՂԵԿՅԱՆ

ԱՆՁՆԱԿԱՆ ԱԾԻ ԵՎ ԻՆՔՆԱՃԱՆԱԶՄԱՆ ԾԱՆԱԴՊԱՐԸ



Երբեմն կյանքը քեզ հարցնում է. «Դու պատրաստ ես դուրս գալ քո հարմարավետության շրջանակներից և տեսնել, թե ինչ կա դրանից այն կողմ»: Ես չեմ սպասում, որ այդ հարցը կգա ուսանողական շարժումության տեսքով, բայց հենց այդպես էլ եղավ:

Ես Մոնիկան եմ, սովորում եմ Հայկական պետական մանկավարժական համալսարանի ինֆորմատիկայի բաժնում: Միշտ մտածել եմ, որ կրթությունը սահմանափակվում է լսարաններով, ծրագրերով, քննություններով: Բայց երբ ստացա հնար-

ավորություն մեկ կիսամյակ սովորելու Լիտվայի Վիտաուտաս Մագնուս համալսարանում, հասկացա, որ իրական կրթությունը հաճախ սկսվում է այն պահին, երբ լքում ես քեզ ծանոթ ամեն ինչ:

Որպես ակտիվ ուսանող, կամավոր, ուսանողական խորհրդի անդամ և մի մարդ, որը սիրում է բացահայտել նոր մշակույթներ, մարդկանց, միշտ փնտրել եմ ինքնաբացահայտման նոր հնարավորություններ: Շարժունությունն ինձ տվեց հենց դա՝ նոր երկիր, նոր մարդիկ, նոր փորձառություն և ամենակարևորը՝ նոր հայացք սեփական հնարավորությունների:

Երբ ուսումնական ծրագիրը դառնում է կյանքի դաս

Կյանքը գիտելիք է խողովակաշարերում և թվերում, պատմություններում և բանաձևերում, բայց եթե այդ ամենը միայն դասագրքերում մնա, այն կդառնա մերկ ու դատարկ: Սակայն երբ ուսումնական ծրագիրը դառնում է փորձի սահմակ, որտեղ մարդն իր ուժանիտքերով վայելում է ղեկավարությունները, հաղթանակներն ու կորուստները, այն այդ պահին դառնում է հոգևոր ուղեցույց:

Այսինքն՝ երբ սովորում ես չվախենալ սխալվելուց, երբ գիտակցում ես, որ ամեն մի ուսումնական թեմա խառնված է կյանքի չդասված դասերին, ուսումնական ծրագիրը դառնում է ոչ թե միայն գիտելիքի հավաքածու, այլ քո անձնական կայացման

ուղին: Ուսումնական ծրագիրը դառնում է կյանքի դաս, երբ հասկանում ես, որ իրական կրթությունը ոչ թե արհեստական նպատակներին ծառայող նյութ է, այլ՝ մարդկային հնարավորությունների բացահայտման ու կյանքի իմաստավորման ճանապարհ:

Մարդիկ, որոնց հանդիպեցի Լիտվայում, եկել էին աշխարհի տարբեր անկյուններից՝ Եվրոպայից, Ասիայից, Հարավային Ամերիկայից: Երբ կողքիդ կանգնած են ընկերներ աշխարհի տարբեր անկյուններից, հասկանում ես, որ «տարբերվելը», ոչ թե պատմե՛լ է, այլ կամուրջ: Մեզ տարբերել են լեզուները, հավատքները, սովորությունները, բայց մեզ միավորել է մույն հարցը՝ «Ով եմ ես այս մեծ աշխարհում»: Մենք տարբեր մշակույթների կրողներ էինք, բայց մեզ միավորում էր մույն բանը՝ ինքներս մեզ գտնելու, մեր ներուժը բացահայտելու ձգտումը: Ու հենց այդ բազմազանությունն էր, որ իմ ուսումնառության ընթացքը դարձրեց ավելի հազեցած, հետաքրքիր ու արժեքավոր:

Հասկացել եմ, որ ունենալ տարբեր ազգությունների ընկերներ՝ մշակակում է աշխարհին նայել ավելի լայն անկյունից: Դա քեզ սովորեցնում է հանդուրժող լինել, բաց մտածել, կասկածի տակ դնել սեփական կարծիքը և ավելի վստահ ձևավորել քո հայացքները:

Ի՞նչ խորհուրդ կտամ ապագա ուսանողներին

Եթե մտածում եք, որ շարժունությունը պարզապես դասընթաց է կամ գրավիչ բառ ձեր ռեզյուսների համար, սխալվում եք: Դա ձեր կյանքը ժամանակավորապես շուռ տալու, ինքներդ ձեզ նորովի ճանաչելու և թաքնված ներուժը բացահայտելու հրաշալի հնարավորություն է: Իմ միակ խորհուրդն է՝ չվախենալ: Չվախենաք լքել սովորականը, սխալվելուց, նոր փորձառություններ ունենալուց, որովհետև հենց այդ պահին է սկսվում իրական աճն ու բացահայտումը:

Ինձ համար VMU-ն պարզապես նոր համալսարան չէր: Դա մի ամբողջ աշխարհ էր, որտեղ ես ավելի լավ ճանաչեցի ինքս ինձ, բացահայտեցի տարբեր մշակույթներ, սովորեցի հաղթահարել վախերս: Իսկ տուն վերադառնալիս հետս բերեցի ոչ միայն հիշողություններ, այլ վերադարձա որպես ավելի ուժեղ ու հասունացած անհատ:

Այս ամենը հնարավոր եղավ, քանի որ իմ ուսումնական ճանապարհի սկիզբը դրվել է ՀՀԿԿ-ում: Ընդհանրապես եմ իմ բուհին, որ տվել է ինձ գիտելիք, համարձակություն և այն հարթակը, որտեղից կարող եմ վստահ նայել ինձ ընթացող նոր հնարավորություններին: Ու գիտե՛մ՝ սա դեռ սկիզբն է:

Սոնիկա ՊՈՂՈՍՅԱՆ
Մաթեմատիկայի, ֆիզիկայի և
ինֆորմատիկայի ֆակուլտետի 2-րդ
կուրսի ուսանողուհի